

ENVER KONUKÇU. *Selcuklulardan Cumhuriyete Erzurum. Ankara, 1992, 974 s.*

Էնվեր Կոնուկչու. Էրզրումը սելջուկներից մինչև Հանրապետությունը. Անկարա, 1992, 974 էջ:

Սույն աշխատության համար հեղինակը նյութեր է հավաքել Լոս Անջելեսի, Նյու Յորքի, Փարիզի, Լոնդոնի, Մոսկվայի, Բաթումի, Թիֆլիսի դրաղարաններից և անշուշտ թուրք հեղինակների գրքերից: Հենց սկզբից նշենք, որ աշխատությունը գրված է ազգային ուղղության դիրքերից, որը համաթուրքական դադափարախոսությունից տարրերով է ընդամենը մի րայլով: Կույկնայինը հատուկ ընդգծել, որ հայ-թուրքական պատմական առնչություններին վերաբերող հարցերին անդրադառնալիս, թուրք պատմաբանների բացարձակ մեծամասնությունը ունի միատեսակ թշնամական մոտեցում, որի հիմքում ընկած է բացահայտ նենգափոխումը:

Աշխատությունը բաղկացած է ներածությունից և 15 բաժիններից (գլուխներից), ուր քննարկվում են հայոց պատմության հետ անմիջական աղերսներ ունեցող հետևյալ հիմնահարցերը՝ սելջուկյան արշավանքները, սալտուկյան իշխանությունը Փոքր Ասիայում, Բարձր Հայքը իլխանների ժամանակաշրջանում, Թիմուրի արշավանքները Հայաստան և Փոքր Ասիա, Թուրքմենական տիրապետության ժամանակաշրջանը և, ի մասնավորի, Բարձր Հայքի նվաճման պատմությունը օսմանցի-թուրքերի կողմից: Առանձին գլուխներում բավականին տեղ է հատկացված XVII—XIX դդ. Օսմանյան կայսրության պատմության կարևորագույն գրվագներին, ներառյալ նաև երկու թանդիմաթները: Ընդարձակ երկու գլուխներ են նվիրված (19 շ89—419) սուլթան Աբդուլ Համիդ II-ի և իթթիհատականների ժամանակաշրջանի Օսմանյան կայսրության պատմությանը՝ յուրովի մեկնաբանելով XIX դարի վերջի արևմտահայ ազատագրական պայքարի, հայոց ցեղասպանության հարցերը: Աշխատությունն ավարտվում է 1920 թ. Մոսկվայի ու Կարսի պայմանագրերի կնքմանը և 1923 թ. Թուրքական Հանրապետության հռչակմանը վերաբերող նյութերով:

Որոշ իմաստով հավելվածի տպավորություն են թողնում 12—15-րդ գլուխների նյութերը,

ուր ընթերցողին են ներկայացվում Եվրոպայի ուղեգիրների վկայությունները Բարձր Հայքի ու նրա մայրաքաղաքի՝ Էրզրումի մասին (էջ 421—470), ուս-թուրքական պատերազմների պատմությունը (էջ 471—696), Կարինի հայոց պատմությունը (էջ 697—751) և վերջապես՝ Թուրքիայի քաղաքական պատմությունը Մուհրոսի դինազագարից մինչև հանրապետության հռչակումը (էջ 753—952), որի զգալի մասը վերաբերում է հայ-թուրքական հարաբերություններին:

Ցուրաբանյուր գլխի վերջում տրված է համապատասխան աղբյուրների ու դրականության ցանկը, սակայն նյութի բուն շարադրանքի ժամանակ ուղղակի հղումներ չեն արվում, հետևաբար մեծապես կաղում է դիտարկան ապարատը: Հեղինակի կողմից օգտագործվել են գերազանցապես Հրանտ Անդրեասյանի կողմից թուրքերին թարգմանված միջնադարյան հայ որոշ պատմիչների երկասիրությունները: Մերթը մերթ հիշատակվում են նաև առանձին հայ հեղինակների ուսումնասիրությունները:

Ներածականում, անդրադառնալով արևմուտյան հոսանքի՝ Բալկանների և Կովկասի վրայով Փոքր Ասիա թափանցելու մասին աղբյուրներում պահպանված կցկտուր տեղեկություններին, հեղինակը ձգտում է այն տպավորություններ ստեղծել, թե Փոքր Ասիայի տարածքը թուրքացված էր մինչև սելջուկների արշավանքը:

Հետևելով սելջուկյան ժամանակաշրջանի պատմությունն ուսումնասիրած արդի թուրք պատմագրության ներկայացուցիչներ Մ. Յունանչի, Օ. Թուրանի ու այլոց տեսակետներին, հեղինակը փառաբանում է սելջուկյան Ալփ-Արսլանի սխրագործությունները և սելջուկներին դիտում որպես հայերի «փրկարարներ»՝ հատուկ նշատակով չափազանցելով հայ-բուղանդական դավանաբանական վեճերը: Անշուշտ գիտակցաբար ոչ մի խոսք չի ասվում սելջուկ հորդանների Հայաստանում կատարած սպանդի ու ավերածությունների մասին, թեև հայ աղբյուրներից մեջբերված առանձին վկայություններ հակառակ են հուշում ընթերցողին:

Երբ սելջուկյան տիրակալ Մելիք շահի մահից հետո սելջուկյան հսկայածավալ պետությունը տրոհվեց առանձին մասերի և Փոքր Ասիայի տարածքում, Հայաստանում և Անդոկուկասում առաջացան մի շարք թյուրքական էմիրություններ (իլխանություններ), ապա ընթերցողին հեղինակի հրամարած նյութերից այն տպավորությունն է ստացվում, թե Փոքր Ասիայի ու Հայաստանի տարածքն արդեն, վերջնականապես ամբողջովին թյուրքացված է և, հետևաբար, հայերի ու Հայաստանի մասին ընթերցողը, որքան էլ ձգտի, չի կարող որևէ, թեև անհնազան, տեղեկություն ստանալ, կարծես նման երկիր սլատմության մեջ չի էլ եղել։ Ժամարտությունն այն է, որ ոչ միայն հեղինակի հիշատակած ժամանակաշրջանում, այլև հետագայում հայերը, չնայած քաղաքական վայրիվերումներին, կազմում էին Հայկական լեռնաշխարհի բնակչության բացարձակ մեծամասնությունը։ Հանրահայտ է ֆրանսիացի հայտնի ճանապարհորդ Ժան Բատիստ Տավերնիեի վկայությունն այն մասին, որ «...Թուստից մինչև Թավրիզ երկիրը բնակեցված է հայերով» և որ «հիսուն հային ընկնում է մի մահմեդական»¹։ Հայերի իրենց բնօրրանում գոյության մասին հեղինակը սկսում է հիշատակել, երբ այս երկրի մեծագույն մասում հաստատվում է օսմանյան տիրապետությունը, որն, իբր, իր հետ բերեց «երջանիկ» իրավակարգ, ապահովելով յուրաքանչյուր հպատակի պատիվը, ունեցվածքը և անձը։ Եվ բոլորովին էլ պատահական չէ գրքում ամբողջությամբ ղեկավարված 1540 թ. օսմանյան կանոնադրման (օրինամատյանը, էջ 158—166)։ Հայկական նահանգներում, որոնց թվում էրդրումում, համարյա միշտ առօրյա կյանքում չեն կիրառվել այդ օրենքները։ Տիրապետողը եղել են թուրք փաշաների սանձարձակ կամայականությունները։ Այնուհետև, երբ հեղինակը խոսում է XVI—XVII դդ. Հայաստանի տարածքում տեղանորոն մղվող թուրք-իրանական սլատերազմների մասին, այս համարյա միշտ երկրի ավերածության մեջ մեղադրում է միայն իրանական կողմին (էջ 171)։

Հետաքրքիր են հեղինակի դատողությունները XIII—XIX դդ. և վրոպացի հեղինակների վկայությունների վերաբերյալ։ «Երբ մենք [և՛ վրոպական] ուղեգրություններին հայացք ենք գցում,—գրում է նա,—այս տեսնում ենք, որ էրզրումի և Արևելյան Անատոլիայի համար

ներանք օգտագործում են հետևյալ տեղանվանումները։ Հայաստան, Թուրքմանիա, Լեանտ, Եփրատի ակունքներ, Թրքահայաստան, Բարձր Հայք, Փոքրասիական Թուրքիա, էրզրումի վիլայեթ, էրզրումի էյալեթ, Արևելյան վիլայեթ, Երև և վիլայեթներ, Վեց վիլայեթներ կամ The six Armenian Provinces և այսպիսով երևում է, որ Արևմտքի գիտնականները անգիտանում են Արևելյան Անատոլիայում (իմա՝ Հայաստանում—Մ. Զ.) և էրզրումում հիմնադրված իլխանական, սուտայական և տողայական, կարակոյունլու և ակկոյունլուների, սեֆյանների և օսմանյանների պետական միավորումները»։

Հայ ընթերցողի համար աշխատության առավել հետաքրքիր մասերը ուսումնասիրական պատերազմներին նվիրված և «Հայերը էրզրումում» գլուխներն են։ Ժամարտության դեմ շմեղանչելու համար նշենք, որ և՛ 1828—1829 թթ., և՛ Ղրիմի, և՛ հատկապես 1877—78 թթ. պատերազմների ընթացքի, այդ խոշոր քաղաքական իրադարձությունների շուրջ ծավալված գիտնագիտական պայքարի, հայերի մասնակցության և այլ բազմաթիվ հարակից հարցերի շուրջ աշխատության մեջ բերվում են արժեքավոր նյութեր, որոնց օգտագործումը, կարծում ենք, օգտակար կարող են լինել XIX դարի հայոց պատմության գրադիմացման գետնի համար։

«Հայերը էրզրումում» խորագիրը կրող ընդարձակ գլխում հեղինակը, հետևելով արդի թուրք սլատագրության մեջ արմատավորված տեսակետներին, տալիս է հայոց և, ի մասնավորի, Բարձր Հայքի հայոց սլատմության հին և միջին դարերի մասին հետևյալ «վկայությունները»։ «Հայերի ծագումը աղբյուրաբանական է թաղված. (աբեմենյան) պարսիկները և հույները նրանց անվանում են արմենոյներ (armenoi), նրանք իրենք իրենց հայհայք են անվանում, իսկ իրենց ապրած երկրամասը՝ Հայաստան։ Պատմական ասպարեզում նրանք հանդես են գալիս ուրարտացիներից հետո և ապրել են որպես Մեդիայի և Պարսկաստանի զերիշխանության տակ գտնվող փոքրիկ մի համայնք։ Մ. թ. ա. 301 թ. նրանք սելևկյանների մի մասն էին կազմում։ Տիգրան II-ի (մ. թ. ա. 97—56 թթ.) ժամանակ հասել են իրենց հզորության գագաթնակետին։ Սուրբ Գրիգոր Լուսավորիչը հայերին բրիտանյա դարձրեց։ 300 թ. բրիտանյան սլատական կրոն հռչակվեց։ Բյուզանդաստանյան հակամարտությունների ժամանակ նրանք գերազանցում էին մերթ մեկի և մերթ մյուսի գերիշխանությունը։ Սելջուկների, սալ-

¹ Les six voyages de Jean Baptiste Tavernier, vol. I, Paris, 1713, p. 79.

թուկյանների, մոնղոլների, իլիսանների և ակ-կոյունյուների ժամանակ նրանք աչքի ընկան որպես առանձին համայնքներ: Սևֆյանների հալածանքներին հակառակ նրանք օսմանցիներին բարյալակամության ներքո կարողացան պահպանել իրենց գոյությունը: Եվ մասնավորապես առետրի և արհեստների բնագավառում թուրքերի հետ կողք-կողքի գործունեություն ծավալեցին: Հայերը էրզրումը Կարին էին անվաճում և վկայություններ կան, որ նրանք վրացիների հետ միասին քաղաքում և որոշ գյուղերում բնակվել են... Սրանց կրոնական ապստոլություններին ոչ միայն նրբեր չի միջամտվել, այլ ապահովվել է [թուրքական պետության կողմից]:»

Էնվեր Կոնուկչուն հայոց պատմության յուրահատուկ այս շարադրանքի մեջ նշակվել է նա իրատարբեր կրկնում է արդի թուրք պատմագրության բոլոր ուղղությունների ներկայացուցիչների հայեցակետը. այն է՝ հայերը իրենց ողջ պատմության ընթացքում ինքնուրույնությունից զուրկ, փորձառիվ մի համայնք են եղել, իսկ Հայաստան կոչվեցավ նրանք էլ լուրջ մի աշխարհագրական հասկացողություն է:

Իր աշխատության մեջ է. Կոնուկչուն զգալի տեղ է հատկացնում էրզրումի հայերի 1829 թ. զաղթին ղեկավար Զավաթի, Դա տեղի ունեցավ, հեղինակի կարծիքով, ոչ թե անտանելի թուրքական դժոխքից ազատվելու նպատակով, այլ ռուսների «կեղծ բարոյություն» հետևանքով:

XIX դարի վերջում Հայաստանի տարբեր շրջաններում և մասնավորապես Արևմտյան Հայաստանում թուրքական դաժան բռնակալության դեմ ծայր առած հայերի ազդային-ազատագրական պայքարը հեղինակը համարում է բացառապես զրսից զրզված արհեստական մի երևույթ, բանիի նման բայլի համար հայերը որևէ հիմք չունենին: «Հայերը, իրենց նկատմամբ եղած ամեն տեսակի բարյալակամ վերաբերմունքին հակառակ, — կարդում ենք հեղինակի մոտ, — արտաքին ուժերի կողմից զրզված օսմանյան կառավարության դեմ ապօրինի ուղի բռնեցին: Գաղտնի կազմակերպությունների օգնությամբ, նրանք սկսեցին Արևելյան Անատոլիայում երկակայան մի Հայաստան ստեղծելու ջանքեր թափել... Իրենց

նպատակները իրականացնելու ճանապարհին, նրանք սկսեցին ղենք ու զինամթերք հավաքել: 1831 թ. էրզրումում հիմնադրվել է Պաշտպան հայրենյաց կազմակերպությունը, որը սատարվել է Կ. Պոլսի պատրիարք Ներսես Վարժապետյանի կողմից» (էջ 724—725): Ինչպես արդի թուրք պատմագրության մյուս ներկայացուցիչները, այնպես էլ է. Կոնուկչուն, ղիմելու վիճակագրական տվյալների, փորձում է ամեն կերպ նվազեցնել հայ բնակչության թվաքանակը:

Կոնուկչուն կանգ առնել Հայոց Մեծ Եղեռնի մասին հեղինակի «լուսաբանություններին», «զատողություններին» վրա, որ, ի ղեկ, արդի ողջ թուրքական պատմագրության ընդհանուր հայեցակետն է: Երբ սկսվեց Առաջին Համաշխարհային պատերազմը, — գրում է է. Կոնուկչուն, — ռուսները որոշեցին... հայերին իրենց նպատակների իրագործման համար օգտագործել: Պատերազմի ընթացքում հայերից կազմված շեքները (հայդուկները) բանակին պետք է հարվածեին թիկունքից և, այդպիսով, լիտի օգնած լինեին ռուսներին: Հայերը, բանակի կացության և տեղաշարժերի մասին ռուսներին տեղական տեղեկություններ հաղորդելու նպատակով, Տրապիզոնում և էրզրումում առանձին լրտեսական կենտրոններ ստեղծեցին: Բացի այդ, օսմանյան բանակում ծառայող հայ զինվորներն էլ փախուստի ղիմեցին և հավաքվեցին Կազվիտնում: Ռուսները նրանց անմիջապես ղինեցին: Ստեղծվեցին նաև կամավորական դորաշուկատներ: Սրանք, քաջ տիրապետելով թուրքերին, անցնում էին ճակատի ողջ երկայնքով և բարենպաստ պայմաններում յիականպտություն մի իրադրություն: Հայկական զյուղերում ևս քարոզչության միջոցով կարողանում էին իրենց համար հուսալի հանարան ստեղծել: Տարի գործակալներին կարճ ժամանակամիջոցում հաջողվեց ողջ հայությանը հավաքել ռուսական հովանու ներքո: Ի ղեկ, բարոյությունը դուրս չէր գալիս նախկին մեթոդների շրջանակներից. այն է՝ խոստացվում էր ստեղծել էրզրում մայրաքաղաքով «Հայկական պետություն»:

Հեղինակը ընթերցողին հրամցնում է «տեղահանման» ժամանակ հայերի անձի ու գույքի ապահովման մասին թուրքական կառավարության ձեռնարկած միջոցառումների վերաբերյալ մեր օրերում լայնորեն տարածված առասպելը: Վաղվա ջավալի է,—գրում է է. Կոնուկչուն,—որ տեղահանման ժամանակ արքայազնները հնձարկվել են ավազակախմբերի հարձակմանը, որի հետևանքով նրանց մի մասը տուժել է: Սակայն դա ցեղասպանություն համարել չի կարելի» բացականչում է է. Կոնուկչուն: «Այսօր էլ հայերը,—կարդում ենք նրա մոտ,—այսպես կոչված ցեղասպանության մասին են խոսում և առաջ են քաշում 1.500.000 ղոհների մասին, սակայն նման սլոգանները գուտ մտացածին են և համաձայն օսմանյան վավերագրերի նման ևրևույթ առհասարակ տեղի չի ունեցել»:

Խոսելով 1916—1918 թթ. մասին, է. Կոնուկչուն կեղծում է պատմական փաստերը: Այս-

տեղ էլ հեղինակը նորություններ չի ասում: Դեռևս 1970-ական թվականներին, երբ Միտհադ Սերտոլչուն սկսեց հրատարակել «Թուրքիայի պատմության հանդես ըստ վավերագրերի» («Belgelerle Turk Tarih dergisi») պարբերականը, ապա նրա ամբողջ առանձին համարները լի էին նման պնդումներով:

Ամփոփենք: Հենվելով Կոնուկչունի էրզրումի պատմությանը նվիրված այս ստվար հատորը ուշագրավ է առկա հետաքրքիր նյութերի ընդգրկմամբ, սակայն այն գրված է ազգայնական, համաթուրքական դիրքերից: Աշխատության հակադիտական, հակահայկական, հակառուսական ուղղվածությունը ակնհայտ է, որ չի կարող նպաստել ժողովուրդների փոխըմբռնման ցանկալի նպատակին:

Մ. Կ. ԶՈՒՆԱՅԱՆ